

法古錄

藏器曰主久瘡疥癩搗汁服取吐搗傳虎傷狗咬蜘蛛咬蠍咬蠚螫
溺瘡 蘇恭曰主金瘡止痛斷血生肉除諸惡瘡消浮腫搗封之湯
漬散敷並良又治熱蟲煩滿不能食搗汁服則令人吐 頌曰蜀人
服稀簽法五月五日六月六日九月九日采葉去根並花實洗淨晒乾
入甕中層層洒酒與蜜蒸之又晒如是九遍則氣味極香美熟搗
末蜜丸服之云甚益元氣治肝腎風氣四肢麻痺骨間冷腰膝無力
亦能行大腸氣 時珍曰生搗汁服則令人吐故云有小毒丸蒸不
暴則補人去痺故云無毒生則性寒熟則性溫若云熟者有毒

威靈仙

開寶治諸風宣通五臟去腹內冷滯心脇痰水久積癰癥按氣塊
膀胱宿膿惡水腰膝冷疼療折傷久服無有溫疾瘧 李杲曰推新

舊積滯消中痰唾散皮膚大腸風邪。頌曰唐貞元中周君巢作威

靈仙傳云威靈仙去衆風通十二經脉朝服暮效疎宣五臟冷膿

宿水變病微利不瀉人服此四肢輕健手足微煖並得清涼。恭曰

腰腎脚膝積聚腸內諸冷病積年不瘳者服之無不效。宗奭曰其

性快多服疏人五臟真氣。震亨曰威靈仙屬木治痛風之要藥在

上下各服之甚效。鄧思齊傳說此藥治中風骨節風頭風皮膚風

手足頑痺腰膝疼痛黃疸黑疸頭面浮腫心頭痰水腹內宿滯痰熱

欬嗽氣急坐卧不安大小腸秘風濕痰氣一切冷痛婦人月水不來

動經多日氣血衝心產後秘塞小兒無辜並皆治之其法采根陰乾

搗末溫酒調一錢空腹服之可加至六錢利過兩行則減之其性甚

善不觸諸藥但要茶及麪湯以甘草厄子代飲可也。時珍曰氣溫

味微辛鹹辛泄氣鹹泄水故風濕痰飲之病氣壯者服之有捷效其

性快利恐損真氣氣弱者不可服

鈎藤鈎

別錄曰治小兒寒熱十二驚癇 權曰小兒驚啼瘳癎熱擁客忤胎風 時珍曰手足厥陰藥也足厥陰主風手厥陰主火驚癇眩運皆肝相風相火之病鈎藤通心色於肝木風靜火息則諸症自除 又曰治大人頭旋目眩平肝風除心熱小兒內鈎腹痛發斑疹古方多用皮後世多用鈎取其力銳耳 或云入數寸於小麥中蒸熟喂馬易肥

茵芋

莞草

本經治風濕痺痛 甄權曰苦辛有小毒治男女軟脚毒風拘急攣痛 別錄曰療久風濕走四肢脚弱 大明曰一切冷風筋骨怯弱羸顫入藥多用 時珍曰古方治風癇有茵蘘丸治風痺有茵蘘酒

治婦人產後中風有茵陳膏風濕諸方多用之

荊草

茵草 音因

本經治頭風癰腫乳癰疔瘕 別錄曰辛溫有毒療喉痺不通乳難
頭風癢可用沐勿令入眼 甄權曰治風疽疔氣腫墜治瘰癧除濕
風不入湯服 頌曰古方治風毒痺厥諸皆酒皆用荊草今醫家取
葉煎湯熱含治牙虫喉痺甚效 日華子曰治皮膚疥癩煎濃湯淋
洗 敷曰取葉細剉以甘草水煮同盛入絹袋中蒸熟去荻草用

當歸

文無

杲曰頭止血而此行身養血而中守稍破血而下流全活血而不走
時珍曰治上當用頭治中當用身治下當用尾通治則全用乃一定
之理 本經治欬逆上氣溫瘧婦人漏下絕子諸惡瘡瘍金瘡 別
錄曰溫中止痛除客血內寒中風瘧汗不止濕痺中惡客氣虛冷補

五臟生肌肉 甄權曰止嘔逆虛勞寒熱痢腹痛齒痛女人瀝血腰痛崩中補諸不足 大明曰治一切風一切氣補一切勞破惡血養新血及癥瘕腸胃冷 好古曰主痿痺嗜卧足下熱而痛衝脉為病氣逆裏急帶脉為病腹痛腰溶如坐水中 時珍曰治頭痛心腹諸痛潤腸胃筋骨皮膚治癰疽排膿止痛和血補血 宗奭曰藥性論補女子諸不足一說盡當歸之用矣 承曰治妊婦產後惡血上衝君平取效氣血昏亂者取之即定能使惡血各有所歸當歸之名因此出也 元素曰其用有三一心經本藥二和血三治諸病夜甚凡血受病必須用之血壅而不流則痛當歸之甘溫能和血辛溫能散內寒苦溫能助心散寒使氣血各有所歸 好古曰入手少陰其以其心主血也入足太陰以其脾裏血也入足厥陰以其肝藏血也 同人參黃芪則補氣而生血同牽牛大黃則行氣而補血從桂附茱萸則熱從大黃

芒硝則寒佐使分定用者當知 韓愈曰當歸主血分之病用宜酒
制有疾以薑制導血歸源之理血虛以人參石脂為佐血熱以生黃
條芩為佐不絕生化之源血積配以大黃要之血藥不容舍當歸
昂曰血滯能通血虛能補血枯能潤血亂能撫蓋其辛溫能行氣分
使氣調而血和也 權曰患人虛冷者加而用之

芍藥

川芎

本經治中風入腦頭痛寒痺筋挛緩急金瘡婦人血閉無子 別
錄除腦中冷面上遊風去來目淚出多涕唾諸寒冷氣心腹堅痛
中惡卒急腫痛脇風痛溫中內寒 甄權曰腰脚不強半身不遂胞
衣不下 日華子曰一切風一切氣一切勞損一切血補五勞壯筋骨
調衆脉破癥結宿血新血吐衄鼻血溺血腦癰發背瘰癧癭贅痔
瘻瘡疥長肉排膿消瘀血 好古曰搜肝氣補肝血潤肝燥補風虛

元素曰川芎上行頭目下行血海能散肝經之風治少陽厥陰經頭痛及血虛頭痛之聖藥也其用有四為少陽引經一也諸經頭痛二也助清陽之氣三也去濕氣在頭四也 呆曰頭痛必用川芎如不愈加各引經藥太陽羌活陽明白芷少陽柴胡太陰蒼朮厥陰吳茱萸少陰細辛是也 震亨曰鬱在中焦須撫芎開提其氣以升之氣升則鬱自降故川芎總解諸鬱直達三焦為通陰陽氣血之使 時珍曰芎藭血中氣藥也肝苦急以辛補之故血虛者宜之辛以散之故氣鬱者宜之 宗奭曰芎藭不可久服多服令人暴死虞搏曰骨蒸多汗及氣弱之人不可久服其性辛散令真氣走洩而陰愈虛也

白芍藥

白芍 赤芍

好古曰味酸而苦氣薄味厚陰也陰降也為手足太陰行經藥入肝脾血分 本經治和氣腹痛除血痺破堅積寒熱疝瘕止痛利小便益

氣別錄曰通順血脉緩中散惡血去水氣利膀胱大小腸消癰腫
時行寒熱中惡腹痛腰痛甄權治時疾骨蒸熱婦人血閉不通
大明治風補勞退熱除煩益氣驚狂頭痛目赤明目腸風瀉血痔瘡
發背瘡疥元素曰瀉肝安脾肺收胃氣止瀉痢固腠理和血脉收
陰氣欬逆氣好古曰理中氣治脾虛中滿心下痞脇下痛善噫師
急脹逆喘欬太陽熱衄目瀉肝血不足陽維病苦寒熱帶脉病苦腹
痛滿腰溶如坐水中時珍曰止下痢腹痛後重又曰同白朮補
脾同芍藥瀉肝同人參補氣同當歸補血以酒炒補陰同甘草止腹
痛同黃連止瀉痢同防風發痘疹同薑朮溫經散濕恭曰赤者利
小便下氣白者止痛散血成無己曰白補而赤瀉白收而赤散酸以
收之甘以緩之故酸甘相合用補陰血欬逆氣而潤除肺燥又曰芍
藥之酸欬津液而益營血收陰氣而泄邪熱元素曰白補赤瀉肝

補脾胃酒浸行經上中部腹痛與薑同用溫經散濕通塞利腹中痛
胃氣不通白芍入脾經補中焦乃下利必用之藥蓋瀉利皆太陰病
故不可缺此得炙甘草為佐治腹中痛夏月少加黃芩惡寒加桂此
仲景神方也其用有六安脾經一也治腹痛二也收胃氣三也止瀉
痢四也和血脉五也固腠理六也 宗奭曰氣虛寒人禁用古人云
戒芍藥以避中寒誠不可忽 震亨曰芍藥瀉脾火性味酸寒冬月
必以酒炒凡腹痛多是血脉凝滯必酒炒用然止能治血虛腹痛
餘並不治為其酸寒收瀉無溫散之功也下痢腹痛必炒用後重者
不炒產後不可用以其酸寒伐生發之氣必不得已亦酒炒用之時
珍曰產後肝血已虛不可更瀉也故禁用之 詡菴云芍藥主治赤
白畧同惟赤芍尤能瀉肝火散惡血耳

乾地黃

生地黃

好古曰甘苦寒氣薄味厚沉而降陰也入手足少陰厥陰及手太陽
之經酒浸上行外行日乾者平火乾者溫功用相同 本經治傷中
逐血痺填骨髓長肌肉作湯除寒熱積聚除痺療折跌絕筋久服輕
身不老生者尤良 別錄主男子五勞七傷中脘漏下血破惡血溺
血利大小腸去胃中宿食飽力斷絕補五臟內傷不足通血脉益氣
加利耳目 大明曰助心膽氣強筋骨長志安魂定魄治驚悸勞勞
心肺損吐血鼻衄婦人崩中血運 元素曰涼血生血補腎水真陰
除皮膚燥去諸濕熱 好古曰主心病掌中熱痛脾氣痿廢嗜臥足
下熱而痛 甄權曰產後腹痛久服變白延年
生地黃 別錄曰大寒治婦人崩中血不止及產後血上薄心悶絕
傷身胎動下血胎不落墮墜踠折瘀血留血鼻衄吐血齒痛皆搗飲
之 甄權曰解諸熱通月水利水道搗懸腹能消瘀血 時珍曰本

經所謂乾地黃者乃陰乾日乾火乾者故又云生者尤良別錄復云
生地黃者乃新掘鮮者故其性大寒其熟地黃乃後人復蒸晒者雖
主治畧同而涼血補血之功稍異 宗奭曰本經只言乾生二種不
言熟者如血虛勞熱產後虛熱老人中虛燥熱者若與生乾當慮大
寒故後世改用蒸曝熟者生熟之功殊別不可不知 好古曰生地
黃入手少陰又為手太陽之劑故錢仲陽瀉丙火與木通同用以導
赤也諸經之血熱與他藥相隨亦能治之溺血便血皆同 權曰病
人虛而多熱者宜加用之 戴元禮曰陰微陽盛相火熾強來乘陰
位日漸煎熬為虛火之證者宜地黃之屬以滋陰退陽 元素曰生
地黃大寒胃弱者斟酌用之恐損胃氣之才云得麥冬清酒良
敷曰忌銅鐵器令人腎消并髮白男損營女損衛 時珍曰薑汁浸
則不泥腸酒製則不傷胃鮮用則寒乾用則涼熟用則溫

熟地黄

元素曰補血滋腎水益真陰去臍腹急痛病後脛股酸痛 好古曰
坐而欲起目眩無所見 時珍曰填骨髓長肌肉生精血補五臟
內傷不足通血脉利耳目黑鬚髮男子五勞七傷女子傷中胞漏經
候不調胎產百病 元素曰甘微苦寒假酒力蒸則微溫而大補味
厚氣薄陰中之陽沉也入手足少陰厥陰之經治外治上須酒制忌
蘿蔔葱蒜諸血得丹皮當歸和血生血涼血滋陰補髓 又曰地黄
生則大寒而涼血熱者須用之熟則微溫而補腎血衰者須用之
又臍下痛屬腎經非熟地黄不能除乃通腎之藥也 好古曰生地
黃治心熱手足心熱入手足少陰厥陰能益腎水涼心血其肺洪實
者宜之若脉虛者則宜熟地黄假火力蒸九數故能補腎中元氣
王碩云男子多陰虛宜用熟地黄女子多血熱宜用生地黃又云生

地黃能生精血。天門冬引入所生之處。熟地黃能補精血。用麥門冬引入所補之處。虞搏云。生地黃生血。而胃氣弱者服之。恐妨食。熟地黃補血。而痰飲多者服之。恐泥腸。或云。生地黃酒炒。則不妨。熟地黃薑汁炒。則不泥腸。此得藥之精微者也。

何首烏

紅內消

開寶治瘰癧。消癰腫。療頭面風瘡。治五痔。止心痛。益血氣。黑髭髮。悅顏色。久服長筋骨。益精髓。延年不老。亦治婦人產後及帶下諸疾。大明曰。久服令人有子。治腹臟一切宿疾。冷氣腸風。好古曰。瀉肝風。時珍曰。何首烏。足厥陰少陰藥也。白者入氣分。赤者入血分。腎主閉藏。肝主疏泄。此物氣溫味苦澀。苦補腎。溫補肝。能收斂精氣。所以能養血益肝。固精益腎。健筋骨。烏髭髮。為滋補良藥。不寒不燥。功在地黃門冬諸藥之上。氣血太和。則風勞癰腫。瘰癧諸疾。可知矣。

李安期作何首烏傳云何首烏味甘性溫無毒後世為使治五痔腰膝之病冷氣心痛積年勞瘵癰風虛敗筋骨益精補髓壯年駐顏黑髮延年婦人惡血痿黃產後諸疾赤白帶下毒氣入腹久刺不止其功不可具述 詔菴曰此藥治瘡毒營血調則癰腫不故名紅內消以其赤者又呼為瘡帚又止惡瘡蓋益精補肝瘡疾要瘡藥而本草不言治瘡心失之矣 用黑豆拌勻九蒸九晒去豆用忌鐵器

牡丹皮 鹿韭

本經治寒熱中風癰瘕驚癇邪氣除癥堅痰血留舍腸胃安五臟療癰瘡 別錄曰除時氣頭痛客熱五勞七傷氣頭腰痛風噤癰疾 甄權曰治冷氣散諸痛女子經脈不通血滯腰痛 大明曰通關膝血脉排膿消撲損瘀血續筋骨除風痺治胎下胞產後一切冷熱血氣 元素曰牡丹皮入手厥陰足少陰故治無汗之骨蒸地骨皮入足

少陰、手少陽故治有汗之骨蒸。又曰治神志不足、腸胃積血及吐血衄血。時珍曰和血生血涼血治血中伏火伏火即陰火也陰火即相火也。後人專以黃蘗治相火而不知牡丹皮之功為更勝也。呆曰心虛腸胃積熱心火熾甚心氣不足者牡丹皮為君。宗奭曰花紅者根皮入藥為佳。時珍曰惟取紅白單瓣者入藥赤花者利白花者補人。六罕惟悟宜分別之。數曰酒拌蒸用肉厚者佳。

續斷 接骨

本經治傷寒補不足金瘡癰瘍折跌續筋骨婦人乳難久服益氣力。別錄曰婦人崩中漏血金瘡生肌肉及跌傷惡血腰痛關節緩急。日華子云助氣補五勞七傷破癥結瘀血消腫毒腸風痔瘻乳癰瘰癧婦人胎前產後一切病胎漏子宮冷面黃虛腫縮小便止泄精尿血。時珍曰治血痢時行痢疾合平散為末米飲服之效。川產者

良酒浸焙乾用

骨碎補

猴薑

開竅破血止血補折傷 甄權曰主骨中毒氣風血疼痛五勞六極
足手不收上熱下冷 頌曰骨碎補入婦人血氣藥蜀人治閃折筋
骨傷損取根搗末粥和裹傷處 時珍曰足少陰藥故能入骨治牙
疼久泄痢研末豬腎夾煨空心食治耳鳴及腎虛久泄 敷曰用銅
刀刮去毛細切蜜拌蒸晒用或焙乾不蒸亦可

益母草

荒蔚

野天麻

時珍曰此草及子皆荒蔚盛密蔚故名荒蔚其功宜於婦人及明目
益精故有益母之稱其莖方類麻故謂之野天麻

子

時珍曰微炒香或蒸熟晒乾春斲去殼取仁用

本經明目

益精除水氣久服輕身

別錄療血逆大熱頭痛心煩

大明治產